

teuctli & hua niton helnanto nichocayan çan nienotlamati ypalnemoa ti cemil-
huitia in tlalticpac an cacatzitzintin tacheahuan.

Maxiyectatzitih timatlaltotocacatzin tino hueyotzin yetacacitli yetomace-
hual in y notopan temoc Xesu quilisto tacheahuan.

Ye chicome huehuatl, tocotocotiti tocotiti.

In niqittoyan yenicacatzin nitonhelnanto ataoe tomatian in monamiccan
mochihuatiuh chalchiuh & lotl tacheahuan.

Itzon in nochocayan nixopal & huac yanicaacatli ata octomatian &.

Catitlaecol toncuicayan ahuaconetle & titon helnanto caimac tipapatlani in-
tlatoani coz man moztla huiptla quenquinequiz y iollia.

Tiexochicozca mamalina icnihyol ya Xan luisco xiquintla nequi y na mo-
hueyohua yenican chalco tepilhuan.

Ye chicuey huehuatl. Tocoto cototo tocotoco totiqui tiquito tiquitiqui tiquiti.

In noncuica amoxtlapal yanocon yaçocouhtinemi nixochi Acotzin nontlateto-
tica in tlacuiloalcalitic ca.

Inquenman on nemiz niqittoa in nontlatlatetotica y tlacuiloalcalitic a.

Noquetzal ayauh çocouhtiaz yn nehua nieuica Acotzin ycompaniaz un yehan
in Xesu quilisto yayaya.

Inniquetzal aapetz cacatzin teocuitlacapolittech aya nopipilotinemi a nitla-
pal cacatzin in oay yeoy.

Ninahuiltitinemi yanteocuitlacapolittech ayanopipilotinemi nya nitlapal ca-
catzin oay & oym.

Ye chicu nahuy huehuatl. Titotito tocototo titiqui titiqui titiquiti.

Topan moçouhtinemi anqui amaquiz cacatzin inipaltinemi xochiçaquan que-
tzalli y yamotzetzeloyam a huanomatizine.

Tlatocon ahuiltiean anquia maquiz cacatzin ynipaltinemi xochiçaquan que-
tzalli yam motzetzeloyam &.

Inniquitoayan cacatzin nitomax teuctli anqui yanelli ie no necuiltonol intla-
ço ihuixochitl yn cecelia yemoeuc toconya yehua a hua noma tzinteuctli &.

Yecozca ahnach pixahua in manima intomax teuctli.....

Ilhuica mixquiahuae oncantiyanemiyan quetzalli cacatzin nomatzin in Pala-
eizo teuctli mayexoconcaquican oanquiam yenic yn tiox a.

Tiemaquitzetzelo moxoxochitlatoltzin in Palacizo teuctli mayexo conca-
quican &.

Yematlac huehuatl tocotocotiquiti tocotocotiquiti totiti.

Intopapaqui nomache intiton helnanto tocon quetzalitz toltzetzeloa yectli
amoeuc inixpan tiox yetimahuilia çanticacatzine a.

Ieon poloa motlaocol nomache intiton helnanto toconquetzalitztol tzetzeloa
&.

Oanqui anelli yeoncantonahahuiazque ay nilhuicatl ytic ayainticacatzitzinti
anomach vane tlal acoçaltzitzintin & atçanio nican maoc onnecui cuica neno not-
zalo huehuetitlan naya çantiazquen y ya yehan ye huaya in tiox a & a.

In cuix ocepa yenican ompapatlantinemiquih ayn cacatzin xihuan pelez
aya an nomach huane tlal acuiçaltzitzintin & atçanio yn nican &.

Ahuaconetle nomatzine ainpalacizo motzinitzcan capolin icpac inyane mi
ynicahuaca y caontlatohuaya ixquich intototl quetzalin cacatzine &.

Çan nomacehualhuan caan motlaocolhuan aya motzinitzcan capolin yepac in
yanemi &.

io. Tocotocotiquiti tocotocotiquiti totiquiti totiquiti.

In nican ni & coc nicacatli a yeiquiapan ynyec ytentlapalihquetl in ton
helnanto ayatlaocxiquitacan tlaço tlamach cacatzin moçouhtinemi ya moxochin-
chamol quetlapal nemach quemach mixtlan miti ynica michiuh ahuaconetle a
hua pille xaahuiaacan netle & a.

Inxopantla tihualapa yamil y pantotecaco in tiox aya yea cuecuentla in ton
helnanto manic yahuicaya chalchiuh elotl xiuhquechol xilotl cuepontón aya
manamatlapaltitlan nitecaya manicaxitiquetzal oya metl ymapan aya ahua
conetle ahupille xaahuiaacan netle an.

Maquiz nelhuayotieac tzinitzca ahua izhuayo ytla aquillo ynahua quahuitl
ymapan momalacachoa mopipiloa yam Xihuinquetzal cacatzi ton helnanto a
huatzatzapotl quiquatinemia.

Ccenipa quahuitl ymapan aya oncanyenimian quetzalchitoetzin quauhtotopo-

tzin ny quahuítl ycotiauh ynoncan quauh yehuiloa tlaçaço yehuatl yn acacitzin tlaquic aya &.

Tlatla mantitihui iniximoa ylhuicatlytic ticacatzin in nepapan niqittoá nican inin manel huel quetzalli niqix hualtia mach ye nitlaço yaz ayac tlaquahuac nomache.

Totolinico yanican yxochitlalpan ticacatin yn nepapan niqitohua yn &.

FINIS.

XOPAN CUICATL.

Otocontecaque in moxochinpetl yain nen oncan onnentlamatizque in mocnoic nihuan ipalnemoa ohuaya &.

Tlatoconehuacan moxopan cuicucatzin chalchiuh ahuaçh chopiltzin yetimotelchiuh yetehuatlton matia in atlitic tehuatl tietlapoa chalchiuh oztocalli intenoçhitlan &.

Tlati mitz macacan motlauhquechol xochi ahuaçhquetzi chalchiuh ahuaçh chopiltzin &.

Calchiuh tlaçuilolli incuica amoxtli onquetzal xilohuitoliuhtoc ynyectlon cuicatl xo chinpapalocalli ya yempa hualteno incuicatl ompaniccaquia nicuicanitl yehua initlatol ilhuicac yeichan angelota ho &.

Çan nepapa çanítica yao ontzaucticaca xochi papalocalia &.

Ixochi. . . . pan canyeonnemi in patlantinema çayehua in tiox yxiuhquechol iepitzin inteocuitla tlapalic atlapetlania in huehuetitlan xopan calitic cuicatla payahuítl mania &.

Ichalchiuh xaltomacocoçquia çaye huan Dios ixihquechol iepitzin &.

Tlaoc tehuan tompehuacan tlaoc tehuan tonçuicacan matocomentlamachtican ypalnemoani ateahuel iaahuiltiayan ateahuel yellel quixtiloyan &.

Maiçnoxochitl, a, yenie manaya nican nictzetzeloa xopan inxochitl cempohual xochitl ayeicaon aahuialoya &.

Niquetzainto huehueuh niçuinnehicoa intoçnihuan ymellelquiça niçuinca tia tiazque yeichan ximotlamachtican ximocuiltonocan inan toçnihuan ahuaaya &.

Maizquixochitli macacahua xochitl maon neaquilo manecoçcatilo huehuetitlana yece yenican xochinahuatilo, yece yenican incuicanahuatilo in tlaltiepac o ximotlamachtican ximo cuiltonocan ynantocnihuan ohuaya.

Tiquetzaltototl titlauhquechol tompapatlantinemi ynipalnemohua timohuihui xoa timotzetzeloa nican, Moic nochan moic nocal ai mancan ohuaya çayemo ne-cuiltonol moteicnelil in tlaltiepac huelonnemoa timo huihuixohua &.

Xiuhquechol xochitl intlauhquechol xochitl inmalintieac on in moyollo in motlatol nopiltzin o inçhimecatl teuctli intiayoqua cuel achie yenican xoccon motlanehui intlaltiepac ohuaya &. Yeaniehocacompolohua into miqiz compo-loaintotlaocol yeetloncuicatl cuelachie &.

Tiquetzaltototl tipatiuh yehuan in tiox canquetzalhuexotica chalchiuhatica çan toconaltian atl o yain tepetl ayahuitl çantopan mani ma quiça omayectli xochitl mamomac on mania on xochimalintoc amocueic amotlatol.

Moquetzal e cacehuaztic e capahuia yetlachia in coçcatl inyetlachia inquetzalli y yene malinalo ayahuitl &.

Tlahuilli xochitl oncuepontimani amoxtli manca Mexico nia ohuaya tonati-mania ahuaaya &.

Cenca yemamoxhi cenca ytlacuulol itic on mania inatl o yantepetl in tenochtitlan quiçoçohuaya conyacuecampa yehua in Pale yehua in Capitan ontlatoa yeoncan ontlachia ilhuicatl ytic ohuaya &.

Xiuhlaquetzalli mochiuhtieac in Sta. Malia ilhuicac tlaquetzalli mochiuhtieac ye hua in tiox anconapaloa calli manican anconpachotimani anahuatl o ai nilhuicatl ahuaaya &.

Çan chalchiuh xicalli amomac ommania çanquetzalhuexoti caanquiahuaçh pehui toque in Atl in tepetl cemanahuac maoccemilhuítl ohuaya &.

Yancuictietlalia in moztocal çantitlatoani çayehua in tiox yancuicticma naya mochalchiuhteponaz tietzetzeloa &.

Amoxtli toconitta ye huaya in Pale in moçh ompatoneci intimacehualti ilhuicatl y tic çantontlaçqui ompatocon notza ye hua in tiox &.

MATLATZINCAYOTL.

Anompehua noncuica ni mâcuíl xochitl çan noconahuiltia o ay nipalnemoa ynmacon netotilo ohuaya ohuaya.

Quenonamican canoyeichan imaitquihua in cuicatl içanio nican y izca anmoxchiuh. in maon netotilo ohuaya ohuaya.

Temomacehual Matlatzincatl Itzeohuatzin Inaxayacatzin ticmomoya huaco in Altepetl intlacotepec ahuaya.

Oylacatzihya om moxochiuh aya mopapaloouh ictocon ahuiltia in matlatzincatl intoloca in tlacotepec a ohuaya.

Ayaxca ocôntemaca in xochitl a ihuitla ypalnemoa ohuaya &.

Inquâhui chimalli in temac yequimana ohuican cuihua yantlachinolli itic yxtlahuatl itic ohuaya ohuaya.